

梵文 達爾馬杜多札 藏文 法界讚

禮敬文殊童子 朗望扎熙譯

- 1 何法若未證 輪迴三有中 恆住諸有情 法界我禮敬
- 2 三有輪迴因 若經淨除故 清淨即涅槃 法身亦是此
- 3 如牛乳混淆 不見酥醍醐 煩惱混染故 法界亦不顯
- 4 如是攪拌乳 醍醐成無垢 淨除諸煩惱 法界極清淨
- 5 如是瓶中燈 爾時不能照 住煩惱瓶中 法界亦不見
- 6 瓶身任何處 若是有穿孔 由彼穿孔處 照耀光明體
- 7 爾時定金剛 摧滅此寶瓶 彼時虛空中 無邊遍照耀
- 8 法界不是生 絕非有壞滅 恆時無煩惱 初中後離垢
- 9 如是琉璃珠 恆時光照耀 若是置石中 其光不能見
- 10 縱使煩惱覆 法界仍極淨 輪迴中不顯 涅槃則光明
- 11 有界而作業 可見體純淨 無界縱造作 唯是生煩惱
- 12 猶如不追求 被糠裹之米 如是煩惱覆 不安立為佛
- 13 如穀去其糠 米體自然見 若遠離煩惱 法界極明顯
- 14 芭蕉終無實 世間作是喻 然果實甘甜 世間享用之
- 15 若離無義輪 煩惱之竹籠 其果成佛位 有情之甘露
- 16 如是諸種子 生果似其因 何智者能立 無種而有果
- 17 許彼種子界 是諸法能依 由次第淨化 能證佛果位

- 18 日月雖皎潔 被雲、晨霧、煙 羅喉面塵等 五蓋所遮覆
- 19 如是光明心 貪、害心、懈怠 掉舉以及疑 五蓋所遮覆
- 20 譬如火浣衣 若有眾污染 置放於火中 垢焚衣猶存
- 21 如是光明心 智慧火能焚 貪慾等染垢 非是光明體
- 22 世尊諸演說 詮述空性經 彼等盡煩惱 非令界衰退
- 23 地中之水泉 清淨無污染 如是染中智 亦是無污染(答)
- 24 因法界非我 非女亦非男 遠離諸所取 豈能計是我(駁)
- 25 無貪之諸法 男女不可得 為貪所苦者 示慧於男女
- 26 以無常苦空 三事淨化心 最勝淨心法 是無有自性
- 27 孕腹中有嬰 然而不能見 如是煩惱覆 法界亦不見
- 28 我我所分別 皆由名想因 而生四分別 此復生已生
- 29 諸佛之願力 無相亦無性 別種趣別門 恆常佛法性
- 30 猶如兔頭角 妄執實是無 如是一切法 妄執真非有
- 31 微塵之體性 牛角亦非有 如過去未來 於此何能計
- 32 依賴而生起 依賴而滅故 無一者存在 童稚豈能悟
- 33 以免牛角喻 (遍計二者性) 善逝成立此 諸法皆中觀
- 34 如日月星相 清澈器皿中 能清見其影 圓滿亦如是
- 35 前中後皆善 穩固無欺誑 如是無我性 不計我我所
- 36 猶如夏際水 謂其是溫熱 若於寒天際 則謂是冰冷

- 37 如煩惱網覆 謂其是有情 若離煩惱纏 則謂是成佛
- 38 如依於眼色 離障能明現 遠離無生滅 法界善了悟
- 39 如依於聲耳 生起三淨識 無性之法界 有分別能聞
- 40 如依鼻嗅香 此乃無色喻 如是以耳識 觀察於法界
- 41 舌根自性空 味界亦遠離 了知法界體 意識無是處
- 42 清淨身根體 諸觸緣體性 遠離諸因緣 稱謂是法界
- 43 於主意識法 斷分別伺察 諸法無自性 觀此是法界
- 44 見聞嗅嘗觸 如是一切法 瑜伽之行者 通達而圓滿
- 45 眼耳鼻舌身 意識亦如是 六處皆清淨 此即彼體性
- 46 見心有二相 世間出世間 由我執輪迴 自證則解脫
- 47 息貪是涅槃 盡斷嗔及癡 滅彼即是佛 亦是有情皈
- 48 依了悟迷執 由身起一切 自分別纏縛 自悟得脫離
- 49 菩提非近遠 非來亦非去 於煩惱牢籠 唯是見不見
- 50 若住智慧燈 能最勝息滅 恆常住於我 諸經藏是說
- 51 十力於孩童 加持同初月 具煩惱有情 不能見善逝
- 52 如是諸餓鬼 見大海乾涸 無明覆蓋之 妄計無諸佛
- 53 劣卑福鮮少 世尊何能為 如於盲掌中 置放珍貴寶
- 54 造福諸有情 光明且殊勝 三十二燦爛 世尊現其前
- 55 依怙其色身 安住於多劫 為調有情故 界非成別異

- 56 了達心境後 於此覺趣入 若自證清淨 諸地其體性
- 57 大自在勝地 密嚴此莊嚴 吾說三意識 是一並相融
- 58 孩童中遍知 聖中有多種 大自在光佛 何為劫壽因
- 59 外之聖賢者 於無量劫中 何能護其命 諸有情壽命
- 60 其因復無盡 其果亦無盡 由無相分別 是為慧善住
- 61 菩提非近遠 非來亦非去 無有六境相 如實見真實
- 62 如水乳混淆 置於一器皿 鵝吸飲牛乳 而非飲其水
- 63 如諸煩惱覆 於身智一體 瑜伽師取智 無知則棄之
- 64 若我我所執 乃妄執外境 了見二無我 有種則息滅
- 65 是故佛涅槃 淨常善基淨 童愚計二者 瑜伽住無二
- 66 多種苦行、施 律儀有情攝 利有情忍辱 三者令界增
- 67 於諸法精進 於靜慮入心 智慧恆堅固 此亦菩提長
- 68 方便兼智慧 誓願極清淨 住力之智慧 界增長四法
- 69 不禮菩提心 此說是惡說 若無菩提心 法身亦不生
- 70 嗔蔗種無用 卻欲享糖味 若無蔗種子 糖則不能生
- 71 如守護蔗種 珍惜且培養 由此必得生 諸蔗糖砂糖
- 72 善護菩提心 珍惜且培養 生起阿羅漢 亦證諸佛果
- 73 如同稻穀種 農夫守護之 勝解大乘者 諸如來守護
- 74 如下玄十四 能微見月亮 勝解大乘者 能稍見佛身

- 75 如見月初光 剎那剎那增 見登地菩薩 漸漸而增長
- 76 如上玄十五 月亮極圓滿 若初地究竟 法身明圓滿
- 77 於佛法及僧 恆堅固勝解 此心善發後 不退反復生
- 78 斷除諸黑基 善持白基法 爾時了悟彼 謂其是歡喜
- 79 貪等種種垢 恆常具垢染 無垢淨除故 謂是離垢地
- 80 絕斷煩惱網 無垢慧極明 滅除無量暗 此是發光地
- 81 常淨光而明 斷除散亂相 智光極圍繞 此地是焰慧
- 82 諸明、技、工藝 多種靜慮相 煩惱極難斷 斷故極難勝
- 83 三種菩提果 含攝諸圓滿 承許盡生滅 乃為現前地
- 84 輪迴貌恆常 光明網照曜 跨越苦海泥 謂此是遠行
- 85 佛定論於此 趣入本智海 無勤任運成 魔眷不能動
- 86 四種無礙智 於眾說法言 瑜伽者圓滿 此地名善慧
- 87 本智體性身 無垢等虛空 由諸佛執持 法雲恆常現
- 88 諸佛之法處 遍持行為果 故轉依爾時 稱名為法身
- 89 離習不可思 輪習可思議 汝極不思議 何者能知汝
- 90 遠超語行境 非諸根行境 意知所通達 隨一作禮讚
- 91 以次入形式 諸聞名佛子 以法雲本智 見法性空理
- 92 爾時除亂心 超越輪迴籠 善安住於此 大蓮華性墊
- 93 數珍寶葉光 所欲求花蕊 由俱胝蓮華 廣大而環繞

- 94 十力所圓滿 無畏正教授 佛法不思議 離戲無退失
- 95 由善行諸業 勤積福德慧 滿月眾星拱 環繞且安住
- 96 佛陀掌中日 無垢寶光照 灌頂於佛子 遍賜予灌頂
- 97 大瑜伽住此 迷惑令劣世 承受苦難迫 由天眼見後
- 98 其身諸光芒 無勤而生起 入愚癡暗者 開啟諸其門
- 99 有餘涅槃者 皆欲無餘涅 此即是涅槃 無垢心轉換
- 100 諸有情無物 本質亦其境 見其是菩薩 極無垢法身
- 101 於無污法身 住有本智海 如多種珠寶 饒益諸有情

於 2023/11/29 更新